

verba l. 4 c. 2. Non omnes peccant, in non recipiendo fidem Christi: multi enim ignorant irrevincibiliter Christi fidem, & hi excusantur à peccato. D. Balduin.

2. *Quomodo Deus sanguinem hominis λύτρον acceptare potuerit, cum sanguinem humanum alias effundere prohibeat?*

Resp. 1. Satius esset, hoc consilium Dei cum gratiarum actione mirari, quam curiosè scrutari. 2. simpliciter credendum est sacrae scripturae dictis, satisfactionem Christi adstruentibus, Rom. 3, 25. c. 5, 9. 1. Joh. 1, 8. Ebr. 9, 14. 22. ut in quaestionibus fuerunt vindicata. 3. Scrutatio hæc Abailardum fecit hæreticum, cui D. Bernardus sic respondet: ratio facti est dignatio facientis, ipsum interroga; mihi scire licet, quod ita; cur ita, nõ licet. 4. In hoc apparuit Filius Dei, ut destruat opera Diaboli, 1. Joh. 3, 5. 8. 5. Quod alias in scriptura sanguinis effusio prohibetur, concernit eam effusionem, quæ sine voluntate & jussu Dei fit. D. Bald.

O Altitudinem &c. Rom. II.

IN LOCO

DE ECCLESIA.

THEOREMATA.

1. **E**Tymon est, quod vocabulū *Ecclesie* sit origine Græcū, ab ἐκκαλεῖν, id est, evocare, quomodo apud Athenienses cœtus voce præconis ad Senatus sententiam audiendam evocabatur, unde ἐκκλησία est idem quod Evocatio, ac proinde significat tum separationem, vi particulæ ἐκ, ratione termini à quo, qui est regnum Diaboli, tum collectionem seu congregationem, vi verbi καλεῖν, ratione termini ad quem, qui est regnum Christi.

2. Homonymia est, quod accipiatur 1. in genere pro cœtu hominum, quavis de causa collecto, Act. 19, 32. 2. In specie, pro cœtu hominum, religionis nomine coacto, Matth. 16, 18. sive falsæ, unde est Ecclesia malignantium; sive veræ, quæ est Ecclesia Domini. 3. Metonymice notet templum, in quo celebrantur conventus sacri Deut. 24, 12. 1. Cor. 11, 18. 4. Synecdochicè sumitur pro cœtu, qui sanctos & hypocritas simul comprehendit, Eph. 1, 22. vel pro parte cœtus; sive illi presbyteri, ut Matth. 18. v. 17 sive auditores fuerint, ut Act. 5. v. 11.

3. Synonymia est, quod Hebræis dicatur קהלה congregatio, &

קהל